



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Epitome exercitiorum centum videlicet & quinquaginta articulorum vitæ &
passionis Dei & Salutoris nostri Iesu Christi, beatissimæq[ue] eius matris.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

EPITOME EXERCITIORVM,
Centum videlicet & quinquaginta
articulorum vitæ ac passionis Dei & Saluatoris nostri Iesu
Christi. Beatissimæque eiusdem Matris, versibus triginta eod-
dem articulos significantibus comprehensum: quod in se-
summatim complectitur totius ferè præcedentis
libri, centum videlicet & quinquaginta
Theoriarum sensum.



Ve Maria gratia plena, Dominus tecum, benedicta tu in mulieribus: Et benedictus fructus ventris tui, Iesus Christus, propter me incarnatus, crucifixus & mortuus: (absque, Amen.)

Cuncta creat.

1. Qui me & omnia creauit,
Peccantē me diu tolerauit,
Beneficijs multis donauit.

Eia benignissime Iesu, tibi sit laus, honor & gratiarum actio ab omni creatura, miserere nostri. *Aut melius ita:*

Eia benignissime Iesu, pro hac charitate cunctisq; beneficijs tuis (*intellige ea, quæ tibi aut propter te, patiendo aut operando fecit*) adoro, laudo, benedico te: & gratias ago tibi, offeroq; tibi eadē omnia pro peccatis meis & pro peccatis totius mundi, & in vnione eorundem, me quoque offero tibi in laudem, gloriam & beneplacitum tuum. Dulcis Iesu, vtinam tibi creatori meo fideliter seruiam, pro peccatis meis contritione perfectissima cōtinuē doleam, & te super omnia ardentissimo amore semper diligam, Amen.

Aue Maria &c. *vt supra. sicq; semper dicatur.*

Qui damnauit Angelorum *Index.*
superbiam,

2. Castigauit Adæ inobedientiam,

Non penitus abiecit nos propter suam misericordiam.

Eia benignissime Iesu, *vt supra. Aut aliter, vt etiam supra in primo habetur articulo: videlicet,* Eia benignissime Iesu, pro hac charitate, cunctisq; beneficijs tuis adoro, laudo, benedico &c. Atque vitam mihi infundas mei contemptrum, vt plenissima abnegatione mei ipsius, tuū sequar & faciam in omnibus beneplacitum. Dulcis Iesu, vtinam &c. *vt supra.*

3. Qui te ab æterno matrem *Statuit.*
elegit,

Pro nobis incarnari voluit,
Mundum redimere statuit.

Eia benignissime Iesu, &c. Vtinam des mihi dignissimam matrem tuā sic venerari & imitari, vt tua gratia & eius merear intercessione saluari.

4. Qui te signis præmonstrauit, *Signata.*

Figuris declarauit,
Oraculis mundo prophetauit.

Eia benignissime Iesu, &c. Atq; vtinā ab omni peccato & vitio liberū

nr 4 me

- me facias, & arram beatitudinis te-
ipsum mihi infundas.
- Propheci.* 5 Qui parentibus te nascitu-
ram nunciavit,
Sanctitatem tuam illis præ-
dicavit,
Parentes steriles fecunda-
uit.
- Eia benignissime Iesu, &c. Atque uti-
nam mundo moriens, extra te cun-
cta fastidiam, in te verò solo vi-
uam & gaudeam.
- Concipitur.* 6 Qui cōceptionem tuam glo-
rificauit,
Ab originali peccato præfer-
uauit,
In utero te sanctificauit.
- Eia benignissime Iesu, &c. Atque
utinam tui amore me totum succen-
das, & cuncta vitia cum ipso fo-
mite in me exuras.
- Sine viti.* 7 Qui Angelos tibi ministros
delegauit,
Rationis vsum prærogauit,
Ab omni vitio immacula-
tam seruauit.
- Eia benignissime Iesu, &c. Atque
utinam ad veram puritatem cor-
dis me perducas, & omnia deside-
ria mea tu solus possideas.
- Complevit.* 8 Qui omni te gratia ornauit,
Omni scientia te illustrauit,
Omni sanctitatis plenitu-
dine decorauit.
- Eia benignissime Iesu, &c. Atque
utinam perpetuo separes à me in
quocunque tibi displiceo, & dones
mihi in quocunque placere debeo.
- Nata.* 9 Qui tua natiuitate parenti-
bus abstulit opprobrium,
Angelis fecit gaudium,
Mundo salutis exordium.
- Eia benignissime Iesu, &c. Atque
utinam per illam ego miser tuam
gratiam obtineam, inseparabili-
terq; tibi inhaeream.
- 10 Qui te pulchritudine ines-
tabilivenuitavit,
Puritate Angelica exorna-
uit,
Regio stēmate nobilitauit.
- Eia benignissime Iesu, &c. Atque
utinam in omnibus creaturis tuis
tu mihi solus occurras, in amorem
tui me rapias, & totum liquefacias.
- In templum.* 11 Cui in templū te obtulisti,
Eius cultui te deuouisti,
Eundem charitate arden-
tissima dilexisti.
- Eia benignissime Iesu, &c. Utinam
voluntati tuæ semper obediam, &
tibi nunquam displiceam.
- 12 Qui omnibus te fecit ama-
bilem,
Dulcem, mitem, & affabilem,
Exemplarem & imitabilem.
- Eia benignissime Iesu, &c. Atque
utinam des mihi, ut hominibus
placere non appetam, sed vera &
perfecta charitate omnes diligam.
- Fulgeus.* 13 Qui te decorauit morum
honestate,
Implevit omnium virtutum
perfectione,
Refecit celestium suauitate.
- Eia benignissime Iesu, &c. Atque
utinam semper mihi ipsi displiceam,
ut perfectionem omnium virtu-
tum tua gratia donante obtineam.
- Virgo.* 14 Cui tu virginitatem vo-
uisti,
Mundo exemplum præbu-
isti,
Monasticen instituisti.
- Eia benignissime Iesu, &c. Atque
utinam dones mihi munditiam
cordis, & perfectam castitatem
mentis & corporis.
- Nova sponsa.* 15 Qui tibi despōsavit virginē
Vtriusq; seruauit integrita-
tem,
Te fecit inconcupiscibilem.
- Eia

Orat.

Eia benignissime Iesu, &c. Atque
utinam digneris animam meā ab
omni labe & vitio emundare, & ca-
stissimo tibi amore conglutinare.

16 { Quem pro mundo indefi-
nenter orasti,
Eius aduentum ardentem op-
tasti,
Mundi reconciliationem im-
petrasti.

Eia benignissime Iesu, &c. Atque
utinam tribuas mihi semper ad o-
mnes homines synceram habere
compassionem, & ad te puram &
feruentem orationem.

Auc.

17 { Qui per Angelū te salutauit,
Gratia plenam te commen-
dauit,
In matrem suā te postulauit.

Eia benignissime Iesu, &c. Atque
utinam cor meum proprium tibi
facias, vt semper illud inhabites
atque possideas.

Turbatur.

18 { Ad cuius nuncium turbaba-
ris verecunda,
Ex humilitate sicbas trepi-
da,
Pro virginitate eras solici-
ta.

Eia benignissime Iesu, &c. Atque
utinam perfectissimam humilita-
tem mihi tribuas, & hanc in cor
meum indelebiliter imprinas.

Concipit.

19 { Cuius voluntati humiliter
consensisti,
In ancillam te obtulisti,
In utero Deum concepisti.

Eia benignissime Iesu, &c. Atque
utinam in cor meum te recipiam,
utinam sic teneam, vt nunquam a-
mittere valeam.

*Hunc pia ge-
nat.*

20 { Quem gestans non grauaba-
ris,
Cœlesti suauitate frueba-
ris,
Quasi diuina efficiebaris.

Eia benignissime Iesu, &c. Atque
utinam acedia semper mihi desit in
tuo seruitio, alacritas verò adsit
semper & deuotio. Utinam tædeat
me omnis gaudij quod est sine te, &
delectet me omnis labor qui est pro
te.

21 { Quem Ioannes nouit in v. *Ad montana.*
tero,
Elizabeth prophetat cum
gaudio,
Tu seruis humili obsequio.

Eia benignissime Iesu, &c. Atque
utinam te creatorem meum &
Deum meum cognoscam. Utinam
te solum quæram, & in te solo gau-
deam.

22 { Qui Ioseph per Angelum cō- *Paum.*
fortauit,
Te grauidam excusauit,
Mysterium ei reuelauit.

Eia benignissime Iesu, &c. Atque
utinam des mihi perfectam cordis
synceritatem, vt nullam vnquam
prauam admittam suspicionem.

23 { Quo imprægnata, Cæsaris *Peregrina.*
dicto paruisti,
In Bethleem peregrina adue-
nisti,
Hospitium quærens non in-
uenisti.

Eia benignissime Iesu, &c. Atque
utinam sicut hospes & aduena sim
super terram: vt nihil de hoc mun-
do diligam, sed semper suspirē ad
patriam. Dulcissime Iesu, utinam
tu sis portio mea, & hæreditas mea
in terra uiuentium.

24 { Quem sine dolore genuisti, *Parit.*
Vt sine viro concepisti,
In partu inuolata perman-
sisti.

Eia benignissime Iesu, &c. Atque
utinam tu vnicum cordis mei sis
gaudium, vnicumq; desiderium,
te

te solum concupiscam, te solum cogitem, te solum suspirem, te semper inueniam, semper te teneam.

Latriam dat.

25 { Quem natum reuerenter adorans suscepisti,
Osculis astrinxisti,
In gremio suauiter fouisti.

Eia benignissime Iesu, &c. Atque utinam te Deum meum cognoscam, te adorem, te magnificem, te incessanter laudem & benedicam.

Lactat.

26 { Quem lacte virgineo pauisti,
Pannis inuoluisti,
In praesepe posuisti.

Eia benignissime Iesu, &c. Atque utinam aequanimiter proximorum supportem infirmitates & molestiam consoler eos, seruiam & benefaciam.

Condoluit.

27 { Cuius vagitum intellexisti,
Passionem prouidisti,
Aerumnis condoluisti.

Eia benignissime Iesu, &c. Atque utinam pro tui amore cuncta aduersa desideranter excipiam, patienter atque hilariter omnia sustineam.

Congaudent.

28 { Quem Angeli laudauerunt,
Pastores inuenerunt,
Miracula praedicauerunt.

Eia benignissime Iesu, &c. Atque utinam nihil me afficiat, nihil me delectet nisi tu: utinam te solum quaeram & inueniam, te solum sciam o vita mea, exultatio mea & refectio mea.

Integra.

29 { Cuius mater & genitrix es vera,
Virgo manens perpetua,
Sponsam amans mente castissima.

Eia benignissime Iesu, &c. Atque utinam me dones & confirmes castitate purissima, fide, spe & charitate perfectissima.

30 { Qui humiliter te subdidit *Scindunt.*
legi,
Ut peccator uoluit circumcidi,
Sanguine proprio pro nobis tingi.

Eia benignissime Iesu, &c. Atque utinam me tui sanguinis munda effusio, ut mundus & liber fiam ab omni peccato.

31 { Quem tres magi quaesierunt, *Tres ueniunt.*
Adorantes munera obtulerunt,
Per Angelum docti infidias euaserunt.

Eia benignissime Iesu, &c. Atque utinam mihi veram humilitatem infundas, ut horream laudari & honorari, ut non erubescam, sed gaudeam nesciri & vilis reputari.

32 { Quem in templum obtulisti, *Sistunt.*
Ut seruum redemisti,
Purificationem purissima suscepisti.

Eia benignissime Iesu, &c. Atque utinam me facias omnem elationem execrari, omnem singularitatem & praesumptionem fugere & detestari.

33 { Cui persecutionem immingere didicisti, *Fugimus.*
Anxia mater cum Ioseph fugisti,
Infantem in Aegyptum detulisti.

Eia benignissime Iesu, &c. Atque utinam inter omnes euentus in te semper respiciam, de manu tua cuncta letanter suscipiam, in omni tribulatione gaudeam & gratias agam.

34 { Cum quo exilium pertulisti, *Exul.*
Inopiam magnam sustinulisti,
Ignota & humilis latuisti.

Eia

Eia benignissime Iesu, &c. Atque
nam sanctum odium mihi infun-
das, quo meipsum odiam & con-
temnam, semper quoque contem-
ni ac pati gaudeam.

Pia nutrit.

35 { Quem labore manuum nu-
riebas,
Cuius aspectu teipsum refi-
ciebas,
Cuius colloquio diuino pro-
ficietas.

Eia benignissime Iesu, &c. Atque
utinam te furiam & ficiam, uti-
nam a te pascar & dirigar.

Hinc redit.

36 { Quem ex Aegypto reduxisti,
Archelaum timuisti,
In Nazareth Glilgam diuer-
tisti.

Eia benignissime Iesu, &c. Atque
utinam omnem timorem & caram
in te projiciam, utinam perfectè re-
signatus in te confidam.

Ad flum.

37 { Qui templum & festa visi-
tauit,
In templo docens interro-
gavit,
Exemplum feruoris mon-
stravit.

Eia benignissime Iesu, &c. Atque v-
tinam infundas mihi veram & per-
fectissimam deuotionem, ut cultu
tuo non possim satiari, nec obedi-
entia fatigari.

Querunt.

38 { Quem tristissima mater a-
milisti,
Cum Ioseph triduo qua-
sisti.
In templo gaudens inueni-
sti.

Eia benignissime Iesu, &c. Atque vti-
nam te sic mihi dones, ut amittere
non valeam, sed potius omni mo-
mento magis te inueniam.

Parentis que.

39 { Qui tecum Nazareth redijt,
Legi diuinæ paruit,
Parentibus subditus fuit.

Eia benignissime Iesu, &c. Atque
utinam des mihi gratiam perfectæ
abnegationis, ut meipsum relin-
quam, & omnibus pro tui amore
me subijciam.

Latebat.

40 { Qui triginta annis occulta-
batur,
Fabri filius putabatur,
Dei Filius tecum moraba-
tur.

Eia benignissime Iesu, &c. Atque
utinam radicitus euellas à me om-
nem arrogationem atque ostenta-
tionem, omnem superbiam & am-
bitionem; ut sim vilis in oculis
meis, ut amem contemni & vilis
reputari.

Iordanus.

41 { Quem Ioannes baptizauit,
Spiritus sanctus indicauit,
Pater in voce comonstravit.

Eia benignissime Iesu, &c. Atque vti-
nam tua singulari gratia digneris
me totum in hac vita tuis meritis
purgare, ut moriens sicut nouiter
baptizatus, merear illic regnum
tuum intrare. O dulcissime Iesu,
hæc est singularis gratia: quia ta-
men potens & bonus es, exaudi
me.

Tentat.

42 { Qui in deserto ieiunauit,
Orando pro nobis vigila-
uit,
Tentantem diabolum supe-
rauit.

Eia benignissime Iesu, &c. Atque
utinam es mihi carnem meam dis-
cretè secundum tuum beneplaci-
tum castigare, & omnes tentatio-
nes tua virtute superare.

Vocat hos.

43 { Qui vocauit discipulos,
Elegit duodecim Aposto-
los,
Collegit dispersos Dei fi-
lios.

Eia benignissime Iesu, &c. Atque v-
tinam trahas me post te, ut me-
rear

o o 2 rcar

rear te imitari, & nunquam à te valeam separari.

Incommoda.

44 Qui multa tulit incommoda,

Imbres, æstum & frigora, Famem, sitim, opprobria.

Eia benignissime Iesu, &c. Atque vtinam omnia aduersa libèter sustineam, & nunquam meipsum, sed te vbiq; quæram, tuum honorem sitiam & promoueam.

Æssus.

45 Qui regiones peragrauit, Ambulando se fatigauit, Nostram salutem curauit.

Eia benignissime Iesu, &c. Atque vtinam tui amor faciat me semper in tuo seruitio currere, & præ dulcedine tui, aduersa sentiendo non sentire.

Mira facit.

46 Qui signis multis claruit, Languores omnes depulit, Inuocantes quosq; exaudiuit.

Eia benignissime Iesu, &c. Atque vtinam sanes animsam meam à varijs languoribus, à vitijs & passio- nibus.

Docuit.

47 Qui poenitentiam prædica- uit, Ad regnum cœlorum inui- tavit, Vitijs obstinatos obiurga- uit.

Eia benignissime Iesu, &c. O vtinam des mihi seruentissimum & discretum zelum animarum, vt omnium salutem ardentèr sitiam, & nullis propterea laboribus par- cam.

Pim est.

48 Qui omnes attrahere vo- luit, Peccatores benigne rece- pit, Reos misericorditer absol- uit.

Eia benignissime Iesu, &c. O vtinã des mihi veram perpetuamq; mâ- fuetudinem & pietatem, verã mi- titatem & benignitatem, miseri- cordiam & compafsionem.

49 Qui iniurias multas susti- nuit, Blasphemias opprobriaq; pertulit, Dolos & calunias audi- uit.

Iniuria.

Eia benignissime Iesu, &c. O vtinã infundas cordi meo simplicitatem veram atque synceram, ab omni dolo, duplicitate atq; malitia alienam, vt aduersa humiliter tolerẽ, & malum nemini inferam.

Palmis.

50 Quem laus & honor non ex- tulit, Super asello sedit, Super Ierusalem fleuit.

Eia benignissime Iesu, &c. Atque vtinam des mihi intimam penitenti- simamq; meipsum cognitionem, profundissimam humilitatem, vt nullius vnquam laudibus aut ho- noribus extollar: sed meipsum de- spiciens, continuis amoris & poe- nitentiæ lachrymis compungar.

51 In quem Iudæorum cœtus conspirauit, Eius mortem infidiosè pro- curauit, Eius venditionem à Iuda cõ- parauit.

Venditio.

Eia benignissime Iesu, &c. Atque vtinam sic mer ear tua gratia confir- mari, vt nulla concupiscentia in- quinari, nulla passione vinci, nulla tentatione queam superari.

52 Qui passionem suã prædixit, In Ierusalem passurus accef- sit, Recedens tristis tibi vale- dixit.

Abscedit.

Eia

Eia benignissime Iesu, &c. O vtinā facias me omnia chara propter te libenter relinquere, & ad aduersa cuncta toto corde me resignare.

Cantat.

53 Qui cum discipulis pascha manducauit,
Legem obseruando consummauit,
Tradendum se reuelauit.

Eia benignissime Iesu, &c. O vtinā des mihi perfectissimam obedientiam, vt humana seruem instituta, & tua nunquam transgrediar beneplacita.

Laudat.

54 Qui discipulorum pedes abluuit,
Exemplum humilitatis præbuit,
Ad dilectionem omnes monuit.

Eia benignissime Iesu, &c. Atque vtinā des mihi semper gratiam lachrymarum perfectæ contritionis, quibus purifices me à peccatis omnibus, à vitiosis affectibus, à noxijs quoque & otiosis cogitationibus.

Instituens dat.

55 Qui Sacramentum Eucharistiæ instituit,
Sui memoriam tribuit,
Manere nobiscum sic voluit.

Eia benignissime Iesu, &c. Atque vtinā ad hoc Sacramentum desideria omnia mea accendas pie Iesu, & præstes illud mihi cum tanta semper deuotione, reuerentia & puritate sumere, vt fructum eius omnem percipiam, & in te solo inauertibiliter maneam.

Prædicat.

56 Qui discipulis dulciter prædicauit,
Passurus tristes confortauit,
Orando Patri commendauit.

Eia benignissime Iesu, &c. Atque vtinā repleas cor meum perfectissima atque indeficienti charitate: vtinā impleas me dulcedine ad omnes homines, misericordia & benignitate.

57 Qui ad hortum cum discipulis exiit,
Traditori inueniendum se præbuit,
Discipulos pusillanimes premonuit.

Eia benignissime Iesu, &c. Atque vtinā largiaris mihi animum à vitijs mortificatum, & tibi ad omnia purè & perfectissimè resignatum.

58 Qui pauore contremuit,
Pro nobis semetipsum afflixit,
Tristis vsque ad mortem esse voluit.

Eia benignissime Iesu, &c. Atque vtinā custodias me ab omni mala tristitia, & ab omni inordinata lætitia.

59 Qui procidens in faciem orauit,
Præuidens pœnas expauit,
Voluntati se Patris resignauit.

Eia benignissime Iesu, &c. O vtinā facias, vt in omni euentu per orationem ad te cōfugiam, & resignatus plenè tuo beneplacito me committam.

60 Qui discipulos visitauit,
Dormientes excitauit,
Pusillanimes confortauit.

Eia benignissime Iesu, &c. Atque vtinā facias, vt me ipsum nunquam quæram, & pro honore tui nihil negligam.

Angelus.

61 Qui nostram necessitatē miseratur,
Instantes sibi pœnas præmeditatur,
Ab Angelo humiliter cōfortatur.

Eia benignissime Iesu, &c. Atque vtinam facias me omnia carnis & mundi solatia cōtemnere, & tuam consolationis gratiam expectare.

Eis sudat.

62 Qui redemptionis nostræ ardet amore,
Expauescit montis horrore,
Angustatur sanguineo sudore.

Eia benignissime Iesu, &c. Atque vtinam des mihi penitentia & amoris lachrymas semper effundere, & me totum vtique in mortem pro tui amore desideranter impendere.

Rede obuius

63 Qui hostibus se obuiam obtulit,
Verbo laeuentes perculit,
Capiendi se illis copiam tribuit.

Eia benignissime Iesu, &c. Atque vtinā des mihi omnes aduersarios meos per patientiam vincere, & in hac vita non pacem aut requiem querere, sed crucem tecum amanter amplecti, & gaudenter ferre.

Oscula.

64 Qui ad proditoris osculum se humiliavit,
Eius peccatum illi manifestauit,
Ad penitentiam benignus inuitauit.

Eia benignissime Iesu, &c. Atque vtinam facias me semper inimicis meis veram compassionem impendere, & veram, non simulatam dilectionis officia exhibere.

65 Qui vindictam Petro prohibuit,
Malcho aurem restituit,
Pro malis bona retribuit.

Eia benignissime Iesu, &c. Atque vtinam vindictæ appetitum nunquam in cor meum intrare sinas, sed simplicitatem & perfectissimā charitatē ad omnes homines mihi infundas.

66 Quem sacrilegi inuaserunt, captum,
Captum lamauerunt,
Conuicijs blasphemauerunt.

Eia benignissime Iesu, &c. Atque vtinam captiuitatem vitorum meorum soluas, & ad perfectionē virtutum omnes vires meas captiuas ducas.

67 Quem ligantes cæciderunt, trahentes impulerunt,
Multis iniurijs affecerunt.

Eia benignissime Iesu, &c. Atque vtinam omnem inordinatam iram & impatientiam in me occidas, & benignum, tranquillum ac verè mitem, etiam erga inimicos, me facias.

68 Quem discipuli relinquerunt,
Pauidi hinc inde diffugerunt,
Magistri calamitatem fleuerunt.

Eia benignissime Iesu, &c. Atque vtinam indissolubili nexu charitatis me tibi astringas, nec auerti me posse à te permittas.

69 Qui in tenebris ductus læditur,
Annæ pontifici adducitur,
De doctrina & discipulis suis inquiritur.

Eia benignissime Iesu, &c. O vtinā des mihi sincerissimam charitatem, vt super omnium & singulorum

rum afflictione doleam, & nulli molestiam inferam.

Alapam fert.

70 { Qui à seruo calumniam accepit,
Alapam inflictam pertulit,
Humiliter verbi rationem reddidit.

Eia benignissime Iesu, &c. Atque vtinam des mihi aliena mala patienter tolerare, & vbi expedit malos humiliter informare.

Ter negat.

71 { Quem Petrus ter negauit,
A quo respectus amare fleuit,
Conuersus fortior stetit,

Eia benignissime Iesu, &c. Atque vtinam des mihi peccatorum meorum iugem contritionem & totius vitæ meæ perfectam emendationem.

Ad Caipham.

72 { Qui ad Caipham ducebatur,
In concilium statuebatur,
Pro beneficijs eidem exprobrabatur.

Eia benignissime Iesu, &c. Atque vtinam pro modulo aliquo vices tibi reddere queam, vt super propria afflictione & pressura in te gaudeam, & ex toto corde tibi gratias agam.

Testes.

73 { Quem iniqui accusauerunt,
Falsos testes instituerunt,
Tacentem obiugauerunt,

Eia benignissime Iesu, &c. Atque vtinam cordi meo infundas sinceritatem, vt nullam vnquam in me admittam fictionem aut falsitatem.

Blasphemia.

74 { Quem Caiphas dolose interrogauit,
Per Dei nomen adiurauit,
Dei filium blasphemiz accusauit,

Eia benignissime Iesu, &c. O vtinam des mihi honorem tuum fortissimè zelari, opprobrium tuum vehementissimè horrere & dete-

stari Dulcissime Iesu, vtinam in omni loco tuam reuerear præsentiam, te solum cogitem, te semper colam, te laudem, te timeam, te diligam, teq; benedicam.

75 { Qui innocenter est damnatus,

Reus mortis proclamatus,
Illudendus impijs est oblatus.

Eia benignissime Iesu, &c. Atque vtinam millies corporis mortem me facias præeligere, quàm vel semel spiritualiter mori, & à tuagratia exciderè.

76 { Cuius faciem alapis verberabant,

Vnguibus lacerabant,
Contumelijs increpabant.

Eia benignissime Iesu, &c. Atque vtinam des mihi omnibus membris tuis, & maximè Prælatiis meis, propter te exhibere reuerentiam, amorem, & humilem obedientiam.

77 { Cuius facies conspuitur,
Putore & sordibus affligitur,

Vt leprosi deformis efficitur.

Eia benignissime Iesu, &c. Atque vtinam des mihi mundam conscientiam, vitæ innocenciam, atque longanimitatem patientiam.

78 { Qui vesatus illudebatur,
Pugnis & colaphis cadebatur,

Barba & capillis trahebatur.

Eia benignissime Iesu, &c. Atque vtinam cordi meo imprimas iugem tui memoriam, vt in omni loco & tempore reuerenter con-

- templer, & amanter sentiam, dulcis Iesu, tuam presentiam.
- Fert multa.* 79 { Cui insultatum est nequiter, 83 } Qui interrogatus tacuit, *Spernunt.*
 { Qui tractatus est viliter, } Miraculis ostentare se noluit,
 { Afflictus est multipliciter. } Sperti & non honorari voluit.
- Eia benignissime Iesu, &c. Atque utinam dicitiam cordis mei tu liquefacias, utinam fontem lachrymarum tu mihi tribuas, ut fleam die ac nocte meam attendens iniquitatem, & tuam sentiens bonitatem.
- Pilato.* 80 { Qui mane ad Pilatum ducitur, } Eia benignissime Iesu, &c. Atque utinam propriam vilitatem & iniquitatem cognoscam, mihi ipsi vilescam & displiceam, me ipsum accussem, plangam & arguam. *Redit.*
 { Consputus vincatusq; fistitur, } 84 { Qui alba veste induitur, } Ut factus illudatur,
 { Quo viso cor tuum scinditur. } Ad Pilatum sic remittitur.
- Eia benignissime Iesu, &c. Trahe me post te. Atque utinam sequar te quocumque ieris per tristia & aspera, per blanda, & prospera, ut semper tibi sim maneamq; fidelis. Iesu fidelissime non permittas quæso me separari à te.
- Accusant.* 81 { Qui latroni comparatur, } Qui accusatus tacuit, *Alter ab illo.*
 { Obediens nil renuit, } Latroni nequior iudicatur,
 { Pati pro nobis voluit. } Ad crucem necandus postulatur.
- Eia benignissime Iesu, &c. Atque utinam des mihi gratiam perfectissimæ humilitatis, ut me ipsum non excussem, nec laudari, sed vilis reputari cupiam: ad iniurias quoque mitis taceam.
- Regi.* 82 { Qui iustus vestes exuit, } Qui iustus vestes exuit, *Nudatum.*
 { Tumultu magno deducitur, } Verecundus & castus doluit,
 { Iniurijs multis exponitur. } Truculentos vultus sustinuit.
- Eia benignissime Iesu, &c. Atque utinam des mihi linguæ continentiam ut de omnibus bene loquar, & bene sentiam.
- 87 { Qui ut agnus tractabatur, } Qui ut agnus tractabatur, *Stringant.*
 { Ad columnam ligabatur, } Ad columnam ligabatur,
 { Impie maledicebatur, } Impie maledicebatur, *Eia*

- Eia benignissime Iesu, &c. Atq; vti-
nam me totum tibi charitate tua al-
liges & possideas, & sensus meos in-
tra te inauertibiliter contineas.
- Cedunt.* 88 { Cuius corpus flagellatur,
Cuius caro laceratur,
Sanguis fusus conculcatur.
- Eia benignissime Iesu, &c. Atq; vti-
nam flagella tua hamili liter atq; hi-
lariter patiar, & in hac vita per amo-
ris tui incendium purgari merear.
- Spinisq;.* 89 { Qui pungitur corona spinea,
Induitur chlamyde coccinea,
Arundinem tenet in dextera.
- Eia benignissime Iesu, &c. Atq; vti-
nam aded mihi imprimas tuæ pas-
sionis memoriam, vt quocunq; me
verto, semper videam te crucifixū,
quicquid aspicio, tuo sanguine ap-
pareat mihi rubricatum.
- Cachinnant.* 90 { Qui illulus conspuitur,
Adoratus palmis cæditur.
Eius caput arundine percuti-
tur.
- Eia benignissime Iesu, &c. Atq; vti-
nam facias me tibi fidelem & deu-
tum, & ab omni simulatione & du-
plicitate alienum.
- Exhibitus.* 91 { Qui ostenditur populo,
Nulla fit ei comparsio,
Ad crucem postulatur denuo.
- Eia benignissime Iesu, &c. Atq; vti-
nam radicatus in me mortifices om-
nem ambitionem, ostentationem,
iactantiam & inanis gloriæ appeti-
tum, vt nullius vnquam superbiæ
coram oculis tuis inueniatur in me
vestigium, vel indicium.
- Damnat.* 92 { Qui ad tribunal iudicatur,
A Pilato excusatur,
Morte iniqua condemnatur.
- Eia benignissime Iesu, &c. Atq; vti-
nam perpetuo des mihi hęc gratiã,
videlicet, proximum non iudican-
di, non detrahendi, non murmurã-
di: sed de omnibus bene sentiendi, &
pie excusandi.
- Qui Iudæorum voluntati est
traditus. *Amicus.*
- 93 { Reinduitur proprijs vesti-
bus,
Producitur despectus omni-
bus.
- Eia benignissime Iesu, &c. Atq; vti-
nam meæ nuditatis & nihilitatis
cognitionem mihi infundas, & nu-
dam ac miseram animam meã tuis
meritis vestias.
- 94 { Qui præmitur cruce propria, *Sub cruce.*
Gemit præ cordis angustia,
Cruenta dat vestigia.
- Eia benignissime Iesu, &c. Atq; vti-
nam facias me crucem tecum porta-
re per vitæ tuæ imitationem, & post
te currere per charitatis feruorem
& deuotionem.
- 95 { Cui tu mater flens occurristi, *Flebant.*
Præ dolore defecisti,
Deridentes & collachryman-
tes habuisti.
- Eia benignissime Iesu, &c. Atq; vti-
nam ardentissimam tui desiderium
mihi infundas, vt omnia mundana
& quicquid extra te est huiusmodi
fastidiam, lachrymas comparsionis
& compunctionis indefinenter fun-
dam.
- 96 { Quem cum latronibus eduxe-
runt, *Associant.*
Subannando deriserunt.
Verberibus & pugnis impule-
runt.
- Eia benignissime Iesu, &c. Atq; vti-
nam per gratiam tuam trahi merear
ad tui imitationem, ad meipsum ab-
negationem, relictionem, omnimo-
dam egressionem, & abyssalem resi-
gnationem.
- 97 { Qui viribus deficiens corruit, *Simon.*
Sub cruce angustatus iacuit,
Simonem adiutorem non re-
nuit.
- Eia benignissime Iesu, &c. Atq; vti-
nam

nam veram discretionem in omnibus tu mihi infundas, vt in seruitio tuo nunquam tepescam, nunquam deficiam, sed omnes vires animæ & corporis mei in tuum beneplacitum expendam.

Pium.

98 { Quem vino myrrhato potauerunt.
 Damnationi eius insultauerunt,
 Contumeliosa in eum cantauerunt.

Eia benignissime Iesu, &c. Atq; vti-
 nam gulæ & omnes carnis concupiscentias in me radicitus extinguas, vt omnem delectationem abhorreâ, tui amore ardeam, te castissimo affectu fitiam, & purè soli necessitati naturæ subseruiam.

Nudant.

99 { Qui nudatur in Caluaria,
 Torquetur verecundia,
 Afficitur tristitia.

Eia benignissime Iesu, &c. Atq; vti-
 nam facias vt paupertatem diligam, & omnem temporalium defectum atq; penuriam desideranter atq; hilariter sustineam.

Renouantur.

100 { Cuius vulnera renouantur,
 Mœrores & pœnæ exaggerantur,
 Tormenta crucis præparantur.

Eia benignissime Iesu, &c. Atq; vti-
 nam sanctum propositum, sancta desideria, castissimumq; tui amorè mihi infundas, hæc indies renoues, indies augeas. Dulcis Iesu, vulnera cor meum tui amore feruentissimo atq; purissimo.

Exquis.

101 { Qui super crucem sternitur,
 Totum eius corpus exteditur,
 Compago ossium soluitur.

Eia benignissime Iesu, &c. Atq; vti-
 nam maiorem indies feruorè mortificandi meipsum mihi infundas, in charitate me dilates & extendas, &

ad omnium virtutum perfectionè perducas.

102 { Qui clauis cruci affigitur,
 Malleorum tinnitus diffunditur,
 Cor tuum dolore scinditur.

Crucifigitur.

Eia benignissime Iesu, &c. Atq; vti-
 nam cor meum clauo amoris tui perfodias, & carnem meam cum omnibus vitijs & cõcupiscentijs crucifigas.

103 { Qui vltro omnia tolerauit,
 Crucifixores suos excusauit,
 Pro illis ad Patrem orauit.

Oras.

Eia benignissime Iesu, &c. Atq; vti-
 nam cor meum sincerissima charitate repleas, vt nunquam contra inimicos meos exasperari valeâ, sed pro illis ex affectu orem, & eis beneficia.

104 { Cui inscriptus est titulus,
 Tu scæuictiũ audisti fremitus,
 Amicorum attendis gemitus.

Scripti.

Eia benignissime Iesu, &c. Atq; vti-
 nam facias me fidelem ac strenuum in omni actione, & sub hoc titulo victorem in omni tentatione.

105 { Qui in cruce exaltatur,
 Inter latrones collocatur,
 Interea cor tuũ mœrens dissecatur.

In altum.

Eia benignissime Iesu, &c. Atq; vti-
 nam spiritum meum & totum cor meum intra te trahas & absorbeas vt te solum cogitem, te solum desiderem, te solum sciam, te solũ sentiam, extra te cuncta fastidiam, tibi soli perpetuo in hæream.

106 { Qui tribus clauis pependit,
 Tres horas pœnam sustinuit,
 Quo reclinaret caput non habuit.

In tribus.

Eia benignissime Iesu, &c. Atq; vti-
 nam confirmes me gratia tua perpetua, atq; inamissibili bonorum omnium abundantia.

Cuius

Effluxio.

107 { Cuius vulnera dilatantur,
Sanguinis flumina propinan-
tur,
Cruce & terra rigabantur.

Eia benignissime Iesu, &c. Atq; uti-
nam virtus sanguinis tui operetur
in me pœnitentiæ amoris, atq; desi-
derij cœlestis concinuas lachrymas,
vt nihil me dilectet, nihil afficiat,
nihil mihi placeat, nisi tu dulcis Do-
miue Deus meus.

Vestes.

108 { Cuius paupertati illuditur,
Vestis regia diuiditur,
Pro partibus fors mittitur.

Eia benignissime Iesu, &c. Atq; uti-
nam infundas mihi amorem & ob-
seruantiam veræ paupertatis, sim-
plicitatis, ac sanctæ rusticitatis.

Blasphemia

109 { Quem scribæ blasphemabāt,
Prætereuntes subsannabant.
Cui exprobrâtes insultabant.

Eia benignissime Iesu, &c. Atq; uti-
nam des mihi tantam gratiam hu-
militatis ac patientiæ, vt omnia op-
probria & derisiones, & persecutio-
nes quoq; & infamiam desideranter
excipiam, ac æquanimiter sustineā.

Latre.

110 { Qui latronem blasphemantē
pertulit,
Pœniteni paradysum p̄misit,
Spem veniæ nobis reliquit.

Eia benignissime Iesu, &c. Atq; uti-
nam sic viuam, sic tibi placeam, tan-
tam in oculis tuis gratiam inueniā,
vt anima mea de corpore egrediens,
immediate ad te Deum suum reci-
piatur.

Vadique.

111 { Qui in singulis membris &
multifariam patitur,
Interno cruciatu scinditur,
Eius dolori nusquam succur-
ritur.

Eia benignissime Iesu, &c. Atq; uti-
nam totum me & omnia quæ in me
sunt, tu possideas, & in beneplacitum

tuum & honorem omnia conuer-
tas.

112 { Cui ad pœnam astitisti,
Quem consolari nequiuisti,
Compatiendo nos parturisti.

Eia benignissime Iesu, &c. Atq; uti-
nam priuato amoris radicibus emo-
riar, vt tibi & omnibus membris
tuis semper ex intimo cordis com-
patiâr.

113 { Qui tui curam habuit,
Iohannem pro se substituit.
Te nobis in matrem instituit.

Eia benignissime Iesu, &c. Atq; uti-
nam pro maximo munere post te
matrem tuam mihi in matrem do-
nes, & facias vt eius amore dignus
existam, ipsamq; castissimo & ar-
dentissimo amore diligam.

114 { Cuius diuinitatem elementa
testantur,
Sol & luna obscurantur,
Piorum corda vulnerantur.

Eia benignissime Iesu, &c. Atq; uti-
nam des mihi donum fortitudinis,
vt pro iustitia & veritate nihil time-
am, sed quicquid iustum est, ad be-
neplacitum tuum loqui & facere au-
deam.

115 { Qui immēsis pœnis cruciatur, Reli-
quit.
A Patre nil releuatur,
Derelictum se vociferatur.

Eia benignissime Iesu, &c. Atq; uti-
nam in omni tentatione & tristitia
ad te confugiam, & tuam protectio-
nem ac consolationem semper inue-
niam.

116 { Qui totum sanguinē effudit,
Marcescens exaruit,
Clamans ardentē sitijt.

Eia benignissime Iesu, &c. Atq; uti-
nam honorem tuum & salutem o-
mnium animarum ardentissimis
desiderijs sciam, & omnes vires me-
as, ac omne tempus vitæ meæ in be-
neplacitum tuum expendam.

Gustat.

117 Quem patientem deriserunt,
Aceto fel miscuerunt,
Hæc sitienci obtulerunt.

Eia benignissime Iesu, &c. Atq; vti-
nam ab omni ociofo sermone sem-
per abstineam, vti nam tua gratia me
reformante ab omni vitio linguæ
immunis fiam.

Complet.

118 Qui Patris obedientiam con-
summauit,
Manfuetus omnia tolerauit,
Pro nobis se hostiam immola-
uit.

Eia benignissime Iesu, &c. Atq; vti-
nam in omni actione, cogitatione,
locutione, & voluntate mea tu sis
mhi scopus & intentio, vt propter
te omnia incipiam, in te omnia diri-
gam, per te omnia perficiam.

Moritur.

119 Qui cum lachrymis orauit,
Clamore valido se commen-
dauit,
Inclinato capite expirauit.

Eia benignissime Iesu, &c. Atq; vti-
nam nunc mihi ipsi & mundo me
efficias mortuum per tuam gratiam
vt hic tibi soli viuam, & de hoc mû-
do transiens immediate recipiar ad
gloriam.

Gemuerunt.

120 Cuius mors ignorantes illu-
minauit,
Pœnitentes emendauit,
Amantes confortauit.

Eia benignissime Iesu, &c. Atq; vti-
nam peccata mea semper lugeam, &
charitatem, bonitatem ac providen-
tiam tuam indefinenter benedicam.

Terra tremis

121 Post cuius mortem fiunt mi-
racula,
Tremis mundi machina.

Eia benignissime Iesu, &c. Atq; vti-
nam cor meum durum & lapideum
à me auferas, & cor mundum, vide-
licet, cor secundum cor tuum mihi
tribuas.

Cuius latus lancea transigi-
tur. *Milesque.*

122 Cum sanguine aqua educitur,
Cordis eius amor tunc pan-
ditur.

Eia benignissime Iesu, &c. Atq; vti-
nam cor meum ab omni macula pu-
rifices, in te trahas, in te absorbeas
tibi vnias atq; possideas.

Resoluitur.

123 Qui de cruce deponitur,
In sinum tibi redditur,
Tuis lachrymis eius cruor ab-
luitur.

Eia benignissime Iesu, &c. Atq; vti-
nam perfectissimam mihi infundas
patientiam, longanimitatem & per-
seuerantiam, vt ad finem vsque hi-
lariter sufferam omnem pressuram,
omnem tentationem & molestiam,

Syndone.

124 Qui conditur aromate,
Inuoluitur munda sindone
Portatur reuerentissime.

Eia benignissime Iesu, &c. Atq; vti-
nam cor meum perpetuum tibi fa-
cias habitaculum, humilitate, pu-
ritate ac charitate perfecta semper
tibi gratissimum.

Planctus.

125 Quem plangunt discipuli,
Adueniunt flentes apostoli,
Lugent amici singuli.

Eia benignissime Iesu, &c. Atq; vti-
nam tuam mortem inconsolabiliter
lugeam, & de illius fructu perenni-
ter gaudeam.

In tumulum.

126 Qui sepulchro imponitur,
Signo & lapide clauditur,
Oculis tuis subtrahitur.

Eia benignissime Iesu, &c. Atq; vti-
nam totus in te sepeliar, & omnium
creaturarum obliuiscar. O vti nam
in te obdormiam & in pace requies-
cam.

Redempt.

127 A cuius sepulchro discessisti,
Tristis in orbem redijisti,
Expectans resurrecturum cre-
didisti.

Eia

Lymbum.

Eia benignissime Iesu, &c. Atq; vti-
nam facias me in nulla tentatione
aut tristitia deficere, nullam conso-
lationem alienam querere, à te nū-
quam recedere, sed tuam gratiam
semper praestolari & recipere.

128 Qui mortem potenter vicit,
Ad inferna descendit,
Diaboli potestatem contri-
uit.

Eia benignissime Iesu, &c. O vti-
nam in omni aduersitate mors tua sit no-
bis protectio & refugium. O vti-
nam mors tua nunc refrigeret animas om-
nium fidelium defunctorum.

Gaudia.

129 Qui de propria gaudebat vi-
ctoria,
Lymbum repleuit lætitia,
Patres beatificat sua presentia.

Eia benignissime Iesu, &c. Atq; vti-
nam sanguinis tui nunc virtus in pur-
gatorium descendat, & omnium fi-
delium pœnam aut extinguat, aut
minuat.

Æcum.

130 Qui lymbum patrum destru-
xit,
Captiuos secum eduxit.
In paradifum secum introdu-
xit.

Eia benignissime Iesu, &c. O vti-
nam propter charitatem tuam nimiam
des omnibus fidelibus tuis defunctis
requiem sempiternam. Dulcis Iesu,
parce illis omnibus, & maximè ijs
miserere pro quibus tenemur orare.

Surrexit.

131 Qui victoriosè resurrexit,
Claufo sepulchro prodijt,
Immortalis & gloriosus cla-
ruit.

Eia benignissime Iesu, &c. Atq; vti-
nam tua gratia omnia in me vitia
mortificet, omnes vires animæ meæ
sursum in te trahat, atque insepa-
rabiliter inauertibiliterq; tibi inhz-
rere faciat.

132 Qui primo omnium te visita-
uit, *Matri*
Omnem mœrorem abstulit.
Gaudio te repleuit.

Eia benignissime Iesu, &c. Atq; vti-
nam castissimum & deuotissimum
amorem ad matrem tuam cordi
meo infundas, illi me committas,
ac eius amore & gubernatione dig-
num facias.

133 Qui amantissimæ Magdalenz *Apparet.*
apparuit,
Discipulis se exhibuit,
Scripturas & multa docuit.

Eia benignissime Iesu, &c. Atq; vti-
nam ad omnem proximum mihi
infundas perfectam charitatem, ve-
ram compassionem, misericordiam
& pietatem, vt omnibus humiliter
seruiam, & fideliter subueniam.

134 Qui discipulos sæpe visitauit, *Rescens.*
Cum illis manducauit,
Incredulitatem eorū expo-
brauit.

Eia benignissime Iesu, &c. Atq; vti-
nam facias me sicut debeo perfectè
tuum sequi beneplacitum, in docen-
do, corripiendo ac emendando syn-
cerum, & pro gloria tua zelosum.

135 Qui in cœlum ascendit, *It in altum.*
In gloriam Patris introijt,
Viam nobis introeundi ape-
ruit.

Eia benignissime Iesu, &c. Atq; vti-
nam in hora mortis meæ tuam pro-
tectionem & consolationem inue-
niam, vt nullam tunc aduersitatem
aut tentationem timeam, sed per te
omnia securus euadam, & felicem
exitum obrineam.

136 Qui Spiritum sanctum misit, *Mittens.*
Dona & gratias distribuit,
Discipulos ad prædicandum
misit.

Eia benignissime Iesu, &c. Atq; vti-
nam

nam gratiam eius in me confirmes & multiplices, & dona eius ad gloriam & secundum beneplacitum tuum mihi infundas.

Conuertunt.

137 Qui ad fidem gentes vocauit. Mundum miraculis illustrauit.

Baptismoq; naucauit.

Eia benignissime Iesu, &c. Atq; utinam zelum animarum feruentissimum atq; discretum mihi infundas, ut pro omnium peccatis perfecte doleam, & omnium salutem ardentissime sciam & quzram.

Martyr.

138 Cui martyres crediderunt, Eius amore vitam temporale perdiderunt.

Eius gratiam aeternam receperunt

Eia benignissime Iesu, &c. Atq; utinam des mihi sanctorum Martyrum tuorum imitari constantiam, fidem, spem, charitatem & perseverantiam.

Virgoque.

139 Cui Virgino se desponsant, Religiosi mundo renunciant,

Deuoti carnem macerant,

Eia benignissime Iesu, &c. Atq; utinam des mihi imitari sanctorum castitatem, humilitatem, & voluntariam spiritus paupertatem.

Superstes.

140 Qui te reliquit superstitem, Euangelistarum instructionem,

Ecclēsię consolationem.

Eia benignissime Iesu, &c. O utinam matrem tuam sic veneremur in terris, ut cum illa perpetuo gaudere mereamur in caelis. Utinam sic ipsam diligā in vita, ut consolatricē eam habere merear in mortis hora.

Migrat' que.

141 Qui ad caelestia te inuitauit, Apostolos ad te conuocauit, Quietā dormitionē donauit.

Eia benignissime Iesu, &c. Atq; utinam des mihi plenam omnium virtutum mortificationem, ut in te solo uinam & in te solo quiescam.

142 Qui cum caelesti exercitu tibi *Assumpta.* occurrit.

In corpore & anima te assumpsit.

Cum iubilo in caelum deduxit.

Eia benignissime Iesu, &c. Atq; utinam anima mea non exeat de corpore meo, nisi plene per misericordiam tuam a vitijs & peccatis purgata, plene tibi reconciliata & emendata, non ad poenam, sed ad requie deducenda.

143 Quae te super Angelos exalta- *Supremaque.* uit,

In potioribus bonis collocauit,

Gloriosissime coronauit.

Eia benignissime Iesu, &c. Atq; utinam largiaris mihi profundissimā, tibiq; gratissimam humilitatem, perfectissimam mititatem & benignitatem.

144 Qui te sociavit suae maiestati, *Proxima.*

Proximam fecit sanctae Trinitati.

Misereticordissimam nostrae infirmitati.

Eia benignissime Iesu, &c. Atq; utinam vitae tuae conformem me facias, & igne tui amoris me totum comburas, totum me in te absorbeas, totum tibi unias.

145 Qui tuo splendore caelos icti- *Falget.* ficat,

Mundum per te illuminat, Daemones profligat.

Eia benignissime Iesu, &c. Atq; utinam cor meum perfecte illumines ad cognitionē & detestationē propriae uilitatis ac nihilitatis, & iterum ad agnitio-

agnitionem, reuerentiam, & amorē
tuz diuinę maiestatis, bonitatis ac
charitatis.

Imperat.

146 Qui cęlorum imperatricem
te constituit,
Tibi omnem creaturam sub-
didit,
Te cęlorum & terra veneratur
ac diligit.

148 Qui te orantes exaudit,
Peccatores tibi committit.
Sua dona per te distribuit.

Concor.

Eia benignissime Iesu, &c. Atq; vti-
nam voluntatem meam ita in tuam
absorbeas ac tibi vnias, vt aliud vel-
le non possim, nisi q; tibi beneplace-
at, nihilq; pręter te me afficiat.

Eia benignissime Iesu, &c. Atq; vti-
nam tibi, & ob tui amorem matri-
tuz perfectissimę atq; fidelissimę
seruiam, & vtriq; secundum cor tu-
um placeam.

Exorat.

147 Qui venerantes te protegit,
Tibi deuotos diligit,
Seruientibus tibi retribuit.

149 Qui tua in cęlo gaudia mul-
tiplicat,
Honorem tuum in terris di-
latat,
Beneficia tua mirificat.

Crescum.

Eia benignissime Iesu, &c. Atq; vti-
nam in seruitio tuo dulcis Iesu nun-
quam tepescam, nunquā deficiā; sed
spiritu semper accrescam,

Eia benignissime Iesu, &c. Atq; vti-
nam hęc ipsa dulcissima mater tua
mihi impetret: vtinam tu mihi eius
amore hoc largiaris, vt ego totus
sim matris tuę, in quo illi com-
placeat, & ipsa tota mea quę mihi
placeat, dulcissima, electissima &
desideratissima.

150 Qui iudex est venturus,
Malis supplicia redditurus,
Bonis pręmia largiturus.

Venietque.

Eia benignissime Iesu. Vtinam sic
viuam, sic moriar, vt in tua gratia
inseparabiliter tibi inharere, & in
gloria tua perpetuo tecum gaudere
merear, Amen.*

Pio exercitatori.

Non ignorandum est, articulos & puncta in eis meditata, ita esse hic ordi-
nata, vt sequantur Angelicam saluationem: verbi gratia, vt vbi in salu-
tatione Angelica finitur IESVS CHRISTVS, congruē in tertia persona
applicetur, Qui &c. Porro si cupiam libeat magis, aut saluationibus Angelicis
non vti, aut cum p̄ssimo Iesu, quasi in secunda persona spiritu colloqui: facile potest
mutare, quę sunt mutanda: vt vbi hic dicitur, Qui me & omnia creauit, lega-
tur aut mente ruminetur, Qui me & omnia creauit. Aspiratio seu oratio, quę ar-
ticulum vbiq; sequitur, semper ad Christum dirigatur.

Institutio bona ad exhibendam reuerentiam Deo, & de-
uotionem excitandam.

Familiares est hominibus, precipue seruis, dum Principibus aut prestantibus
viris loquuntur, curuare genua, aut caput detegere, si habeant cui loquuntur,
dominū suū nominare, idq; honoris gratia. Multo plus cōgruū est, vt inter Di-
uinas laudes, dū auditur pronuntari hoc verbū Dominus, vel Deus, vel Iesus, vel
Gloria Patri reuerentiam facias Deo, puta externo motu aut signo corporis (quāto
potest fieri) secretiori, ne aliorū quispiā, quos hec deuotio nō oblectat hac singularitate
te turbetur, idq; eo animo eaq; intentione, quod Deo tuo cupias cultum, laudē, reuerē-
tiā, atq; obedientiā in te exhibere, teq; illi in honore ipsius offerre ad omne eius bene-
placitū in te, & per te persiciendū: amō etiā desiderare tān illi honoris impendere,

PP 4. quantum